



LEEF JOU REIS

MET GERRIE PRETORIUS



2025
Abu Dhabi Grand Prix

03 - 08 Desember 2025



leefjoureis@twf.co.za | gerriepretorius.co.za



Uit die pen van

Gerrie Pretorius

*Music was my first love
but travel is my passion.*

Om waarlik die betekenis te verstaan van die woorde: “Leef Jou Reis” is om te ontdek, af te draai en die alternatiewe roete te vat. Om te eet en kuier saam met die plaaslike mense en onder hulle vel in te kruip sodat ons nie net bloot ‘n toeris is nie maar ‘n reisiger in die ware sin van die woord.

As boorling van Mosselbaai het ek die voorreg gehad om voet aan wal te sit op al 7 kontinente en met 85 lande se besoeke agter die rug wil ons jou saamnooi om deel te raak van ‘n reis familie.

Ons is die “cool kids” van reis en ons doen dit in styl...

Welkom by Leef Jou Reis.





Abu Dhabi Grand Prix

03 – 08 Desember 2025

\$2 312 Per persoon wat deel*

\$3 200 Per enkelpersoon*

DAG 1: Woensdag, 03 Desember 2025

Start Your Engines 3...2...1

Die adrenalien skop reeds in wanneer jy die Leef Jou Reis-span op die lughawe ontmoet vir ons gerieflike vlug na Dubai!

(Etes aan boord)

DAG 2: Donderdag, 04 Desember 2025

Ons arriveer vroeg in Dubai, en met ons aankoms staan 'n luukse lugversorgde bus gereed om ons na ons hotel te neem. Daar aangekom kan jy jou bagasie gratis stoor en 'n lekker ontbyt nuttig. Aangesien ons eers om 16:00 kan inboek, staan dit jou vry om Dubai heerlik op jou eie te begin verken.

Ons hotel is by die Dubai Marina geleë – 'n besige en skouspelagtige omgewing wat omring is deur 'n groot verskeidenheid winkels en restaurante. Diegene wat die Persiese Golf wil geniet, kan ook 'n taxi neem om binne slegs enkele minute op die Palm Jumeirah-strand te lê en ontspan. Palm Jumeirah is een van die grootste mensgemaakte eilande ter wêreld. Ons hotel is ook ongeveer 30 km van die Goue Souk geleë waar die Antieke Basaar jou met tradisionele artikels uit die Midde-Ooste verwelkom.

Om 18:30 ontmoet ons mekaar by die hotelkroeg vir 'n komplimentêre verwelkomingsdrankie.

Sommige van julle sal dalk ook 'n Red Bull moet wegsluk, want die besige strate van Dubai roep! Vanaand kan jy die stad verder op eie houtjie verken en aandete by enige restaurant van jou keuse geniet. Die Leef Jou Reis-span is deurentyd teenwoordig om voorstelle te gee en hulp te verleen.

Opsionele aktiwiteite:

- Woestynsafari waar jy oor die duine met 'n 4x4 kan ry en 'n tradisionele woestynbraai kan geniet
- Aandete tydens 'n luukse skemervaar om die hawe van Dubai
- 'n Hero-bootvaart waar jy in en om die hawe van Dubai jou eie rubberboot teen 50 km/h kan stuur – geen lisensie word benodig nie – net 'n bietjie bravade!

Oornag: Rove Hotel, Dubai Marina 3* (Ontbyt en verwelkomingsdrankie)





Abu Dhabi Grand Prix

03 - 08 Desember 2025

\$2 312 Per persoon wat deel*


\$3 200 Per enkelpersoon*

NEEM ASSEBLIEF KENNIS: Ons sitplekke is toegeken op die **HOOF-paviljoen by Yas Marina-renbaan**, wat strategies geleë is langs die wegspring- en eindstreep, reg oorkant die pitbaan en motorhuise. Hierdie eerste klas ligging bied toeskouers ook uitsigte van die podiumviering.

JOU SITPLEKKE: Afdeling Mo4 in ry A (voorste ry)

Afdeling 4: Hierdie afdeling is op Vlak 1 geleë en lê naby die wegspringstreep van die wedren. Dit is 'n uitstekende posisie om die aanvang van die wedren en die intense aksie te aanskou wanneer motors van die wegspringrooster versnel.

Ry A: Om in ry A te wees plaas jou in die voorste ry, wat 'n ononderbroke, nabye uitsig van die baan bied. Hierdie nabyheid laat jou toe om die gesig en klank van Formule 1 op sy mees meesleurende manier te ervaar. Hou asseblief in gedagte dat jy, omdat jy in die voorste ry is, voorberei moet wees vir sonblootstelling gedurende die dag aangesien dit suid front. Gelukkig, wanneer die wedren begin, sak die son vir 'n pragtige aand en die vermaaklikheidsarea met koue drankies en bier is net 'n stel trappe ver. Neem asseblief ook in ag dat die reling na die baan direk voor jou is en dat kleiner mense en kinders moontlik hulself effens moet op lig vir 'n volle uitsig. Tog het jy die beste sitplekke in die huis en is so naby aan die aksie as wat jy kan kom!





Abu Dhabi Grand Prix

03 - 08 Desember 2025

\$2 312 Per persoon wat deel*

\$3 200 Per enkelpersoon*

DAG 3: Vrydag, 05 Desember 2025

Omdat jou bande waarskynlik vanoggend 'n bietjie pap is, kan jy 'n laat ontbyt nuttig waarna jy die vele aktiwiteite in en besienswaardighede van Dubai kan verken voordat ons die verstommende naelbytstryd tussen "the fast and the furious" aanskou.

Besienswaardighede:

Die Burj Khalifa, wat 828 m hoog staan, is tans die hoogste gebou ter wêreld en een van Dubai se moet-sien-besienswaardighede. Dié majestueuse gebou is in die hartjie van die stad geleë en is die middelpunt van bedrywighede - ook in die nag. Om bloot met verwondering op te kyk na hierdie tronende argitektoniese wonder is onvergeetlik, maar ons raai jou sterk aan om dit ook van binne te bekyk.

Ongeveer 20 minute se ry buite die moderne strate van Dubai, wag die mistieke Arabiese woestyn.




Vra die Leef Jou Reis-span vir advies oor die aktiwiteite wat 'n aksiebelaaide woestynsafari jou kan bied, soos byvoorbeeld vierwielmotorfietsry, sandplankry, kameelritte, hennatatoeërkuns of 'n egte woestynbraai onder die sterre.

Daar is ook bootritte, waterparke, museums of tegnologiewinskopies wat jou kan besig hou totdat ons die rooi ligte begin aftel!

Oornag: Rove Hotel, Dubai Marina 3* (Ontbyt)

DAG 4: Saterdag, 06 Desember 2025

Ná 'n lekker ontbyt (en miskien nóg 'n Red Bull vir ekstra skop) is dit tyd om voet in die hoek te sit in die rigting van Abu Dhabi vir 'n adrenalienbelaaide ervaring! Die aftelling tot die finale F1-resies van die seisoen het begin en vandag gaan die F1-renjaers om die eerste tien wegspringplekke meeding.





Abu Dhabi Grand Prix

03 - 08 Desember 2025

\$2 312 Per persoon wat deel*

\$3 200 Per enkelpersoon*

Ons reis van Dubai na die Yas Marina-renbaan sal ongeveer 90 minute per bus duur, so sit terug, ontspan en geniet die rit! Dit is ook die perfekte geleentheid om 'n paar vriendskaplike weddenskappe aan te gaan oor wie watter posisie op die wegspringrooster sal inneem ...

By die renbaan is ons tuiste die hoofpawiljoen. Dit is werklik die beste plek om al die opwindende van die begin tot die einde van die resies te beleef. Van hier kan jy ook sien hoe die spanne voorberei en moontlik ook 'n bekende of twee te sien kry. Daar is geen mooier geluid as die gebrul van F1-enjins aan die begin van 'n wedren nie, en jy kan ál die aksie sien terwyl die motors wegtrek. Die podium is ook direk oorkant die hoofpawiljoen geleë, wat beteken dat ons al die jubelende wedrenvieringe kan aanskou. Aangesien dit die laaste wedren van die seisoen is, sal die renjaers ongetwyfeld hul beste vaardighede ten toon stel met feestelike draaie rég voor jou. Ná die kwalifiserende rondtes en die vasstelling van wegtrekposisies, kan jy die skouspelagtige Abu Dhabi Grand Prix-musiekkonsert bywoon. In die verlede het kunstenaars soos Beyoncé, Smokey, Shania Twain en Eminem opgetree. Berei jou dus voor op onvergeetlike optredes deur bekende kunstenaars en 'n aand gevul met vermaak uit die boonste rakke!

Jou F1-kaartjies sluit toegang tot vermaakareas, sowel as die F1-ontspanningsdorp en konserte wat ná die resies aangebied word, in. Indien jou gô 'n bietjie uit is en jy eerder 'n rustiger aand verkies, is daar 'n opsie om vroeër na die hotel terug te keer. Die volgende dag is immers óók 'n groot dag met vermaak en konserte ná die resies.

Oornag: Rove Hotel, Dubai Marina 3* (Ontbyt)

DAG 5: Sondag, 07 Desember 2025

Vandag is daar nie tyd vir rem aandraai, breekpunt bereik of tydmors nie, want die hoogtepunt waarop F1-entoesiaste al die hele jaar wag, het uiteindelik aangebreek! Ons vertrek om 12:00 van Dubai na Abu Dhabi vir die opwindendste resies van die jaar by die mees indrukwekkende renbaan waar 'n topspoed van meer as 330 km/h behaal kan word. Met sestien draaie en lekker lang reguit dele, is die 5,2 km-baan verseker dié topbaan in Formule 1. Dit was 'n jaar gevul met hoogdrama en interne politiek, en daar is baie op die spel wanneer die nuwe wêreldkampioen gekroon gaan word. Niemand gaan dit egter vir enige mederenjaers maklik maak nie, so jy kan verseker wees van 'n spannende resies! Gaan Mercedes Benz en Ferrari Max Verstappen toelaat om vir die vyfde keer die kroon te dra?





Abu Dhabi Grand Prix

03 – 08 Desember 2025

\$2 312 Per persoon wat deel*

\$3 200 Per enkelpersoon*

Ná die laaste F1-resies van die jaar, het jy weer die geleentheid om die musikale skouspel van die Abu Dhabi Grand Prix-konsert met internasionale kunstenaars by te woon. Vanaand is jou laaste aand in die Verenigde Arabiese Emirate, so jy kan jouself heeltemal oorgee aan F1-adrenalien en saam met al die ander passievolle besoekers van dwarsoor die wêreld feesvier!

Oornag: Rove Hotel, Dubai Marina 3* (Ontbyt)

DAG 6: Maandag, 08 Desember 2025

Die Red Bull is uitgewerk en ná al die opwinding is dit tyd om huiswaarts te keer. Wees egter gerus – volgende jaar maak ons weer so! Indien jy langer wil bly of verder wil reis, gesels gerus met Leef Jou Reis om met enige ekstra reëlings te help.

Ingesluit

- Groepversekering tot die ouderdom van 69 jaar
- 4 nagte by die Rove Hotel, Dubai Marina 3* insl. bed & ontbyt
- Lughawevervoer indien jy gebruik maak van ons groeps vlugte
- Verwelkomingsdrankie met aankoms by die hotel
- Vervoer vanaf hotel na die Yas Marina-renbaan Saterdag en Sondag
- F1-toegangskaartjies vir die hoofpawiljoen
- Toegang tot aktiwiteite en konserte op die Yas Marina-terrein

Uitgesluit

- Retroervlugte tussen Johannesburg en Dubai
- Middagetes (tensy gespesifiseer)
- Aandetes (tensy gespesifiseer)
- Drankies (tensy gespesifiseer)
- Fooitjies en persoonlike uitgawes
- Opsionele aktiwiteite
- Visumaansoek
- Vlugte in Suid Afrika

Dinge om te onthou

- Hierdie reisplan is redelik volledig en bevat al die inligting wat jy gaan benodig. Indien jy enige vrae het, stuur gerus 'n e-pos of whatsapp 082 923 3626.
- Nader aan die tyd skep ons 'n WhatsApp-groep om inligting deur te gee. Dit is jou kommunikasiekanaal met Leef Jou Reis. Maak asseblief seker dat jy al die korrekte selfoonnommers op jou besprekingsvorm verskaf om by die groep ingesluit te word. Tydens en ná die toer sal ons ook foto's en video's hier deel.
- Ons behou die reg om die program aan te pas weens onvoorsiene omstandighede buite ons beheer.



Abu Dhabi Grand Prix

03 - 08 Desember 2025

\$2 312 Per persoon wat deel*

\$3 200 Per enkelpersoon*

Wat Nou...?

Stappe om jou plek op die Abu Dhabi Grand Prix-toer te verseker:

STAP 1

As jy by ons wil aansluit op hierdie opwindende toer, stuur jou e-posadres en selfoonnommer na leefjoureis@twf.co.za. Ons stuur dan die besprekingsvorm wat jy moet invul en terugstuur, saam met 'n afskrif van jou ID / paspoort en die bewys van betaling van die deposito.

STAP 2

Hierdie reisplan is redelik volledig en behoort al die inligting te bevat wat jy gaan nodig. Ons stig nader aan die tyd 'n WhatsApp-groep vir verdere kommunikasie. Maak dus seker dat jy die korrekte selfoonnommer verskaf. Indien jy enige vrae het, stuur gerus 'n e-pos of WhatsApp 082 923 3626.

STAP 3

Raak opgewonde en sien uit na die mees adrenalienbelaaide vakansie van jou lewe!

Deposito

- Om jou plek op hierdie baie spesiale toer te verseker, vereis ons 'n nieterugbetaalbare deposito van R10 500. Neem asseblief kennis dat ons verplig is om deposito's en administrasiefooie aan ons operateurs te betaal ten einde groepbesprekings te waarborg. Lees asseblief die bepalings en voorwaardes soos op die webwerf vervat.
- Die volgende deposito van R10 500.00 is betaalbaar op 15 Mei 2025.
- Die balans sal teen 1 September 2025 betaalbaar wees.
- Die toerprys word bereken deur 'n wisselkoers van \$:R20 te gebruik sodat ons alle kostes en wisselkoersverskille tydens betalings in die buiteland kan dek. Dit word bepaal deur die bedrag en datum waarop ons die verskaffers betaal. Pryse is gebaseer op EFT betalings. Die koste vir kredietkaartbetalings kan by aansoek aan u in kennis gestel word. Kontantdeposito-fooie moet deur die betaler gedra word.

Bankbesonderhede & Prys

Rekening Naam	:	LeefJouReis TWF
Bank	:	Standard Bank
Takkode	:	051001
Rekeningnommer	:	012324523

Deposito verwysingsnommer: F1ABU25 + NAAM & VAN

Maak asseblief seker jy gebruik die korrekte verwysingsnommer en jy stuur 'n bewys van betaling aan ons by: leefjoureis@twf.co.za.

\$2 312 Per persoon wat deel* | **\$3 200** Per enkelpersoon*

* Let daarop dat die aantal enkelkamers beperk is en in sommige gevalle is dit dalk nie moontlik om 'n enkelkamer te bespreek nie.



LEEF JOU REIS

MET GERRIE PRETORIUS

VIR MEER INLIGTING KONTAK ONS GERUS OP:

Selfoon: +27 82 923 3626

Epos: bookings@gerriepretorius.co.za | leefjoureis@twf.co.za

Webwerf: www.gerriepretorius.co.za

BLY OP HOOGTE EN VOLG ONS OOK OP SOSIALE MEDIA:

Leef jou Reis Vriende

@GerrieOfficial

@Gerriepret

Leef jou Reis met Gerrie Pretorius

Managed by **Travel With Flair**

At your service!

Site


www.twf.travel | 0861 777 747

ASATA

 **TWF**
INCENTIVES, MEETINGS & EVENTS (Pty) Ltd